

TIMOTEO I

Timoteo e Lisitera hao fuawec. Mimi-ticne â nengoc-ticne jahe Juda nokac. Nengoc-ticne e Miti Opâ ruacnekicne (*Aposolo 16:1–13*), mamac-ticne ine njic qâpuc (*Timoteo II 1:5*). Timoteo e qieonectean miti manahuc juku sokawec (*Timoteo II 3:15*). Paulo e miti kinan zâzânjin raku Lisitera hao fisirâ Timoteo motec bawec. Eme izia Paulo bâjâpêhuc juwec sanan. Ehuc miti giere bafickewec â kinan rac warec ehuc juwec. Paulo e funje-ticne *Filipi 2:19–22* ira qârenkewec. Juku Timoteo soreme Efeso hao miti mamana guru hone sonan â hume keten ejarewec. E jahac ine Makedonia mârenko juhuc papia qârenkecnawec (*gan 1:3*). Timoteo e Paulozi hâmoame Efeso haoa juwec.

Efeso hao njic tucnezi miti qâsuahuc dân hehesicne mupie han bawec. Janê qâpucdân â Judanj janere dân â mitidân i mâmâc baturepie sisifucne ewec. Eme Timoteo e dân i hehâmoocte Paulozi bufac qacnewec (*gan 1*). Erâ tutuman-jenicko gae nunumure â miti mumure dân mutâcnecnewec (*gan 2*). Erâ mitire micne bapa â babafic juju bapa-jenicte dân zuhuckewec (*gan 3*). Erâ Timoteo e jahacne juju bapare mâmâc qârenkewec (*gan 4*). Zâhec ine hozec janere dân â sonan kinan qaqa janere dân mutâcnecnewec (*gan 5 â 6:1–2*), erâ njic hehesicne janere funje rituwec (*gan 6:3–10*), â Timoteo e sâmbân borente fotarieocte bufac qacnewec wâc (*gan 6:11–21*).

Jambuŋdân

¹ Paulo no Anutu bâbâpian-nâŋecte micte â Kristo Jesu mamana-nâŋecte micte Kristo Jesure aposolo juekopaczi ² mitio motec jâmbân-nane Timoteo go papia zi qârenke-garekopac. Anutu Mamac â Wofuŋ-nâŋec Kristo Jesu eraonec aki anonoc â uruc jaun â wama gorao fotâcnerâ fozejec.

Mitire numusifuc irec dân

³ No Makedonia mârenko razo ehuc gazapo iŋuc ezemec, ehuc Efeso haeo zuhuckerâ juhuc, ŋic tucnezi miti musifuckeenŋopien jaŋe qatarajaretec behenzepien. ⁴ Jaŋe nemu binan bahuc ŋic gaŋne gaŋne juwefumbiŋ irec fuŋne qapie razic wefuc eme mu qaqataranehec fuaekac. Iŋuc epie Anutu manasiŋkehuc kiŋan qaqaŋe i wahame sâqoreekac. ⁵ Miti mumure fârine ine ziŋuc fuame sâckeocmu: Maŋtaniŋ â maŋzuruc â maŋ mamanaŋhehuc juhuc maŋjaun bâfuazo. ⁶ Ŋic tucnezi ine miti hata i qâsorierâ dân jawane fârimâc bâfuambiŋ bajunŋopien. ⁷ Erâ jaŋacnere ziŋuc muenŋopien: Nâŋe Mosere sâcmutâc dân irec qaqazu, iŋuc murâ dân kosa muhuc irec sasanaŋ bâfuaenŋopien.

Sâcmutâc dân i ŋic hehesicne jaŋere mukicne

⁸ Nâŋac sâcmutâc dânte ziŋuc manaenŋopenen: I dân biane, erâ fuŋne-ticne mana-hâmohuc bajuzo. ⁹ Fuŋne-ticne ine ziŋuc fokac: Sâcmutâc dân i ŋic bahacmâc jaŋere biŋe mi ekac, ŋic

sindan̄ne, rân̄geñ̄ne, aran̄ bapa tâmiric, sâqocne bapa, man̄wân̄n̄heç, zaubacne, nen̄goc mamac sisipiric, zika qaqa, ¹⁰ boe sau ñic, ñiczia ñicko sasac gie bapa, ñic ñokac fiuc rocjoparâ gâcne qikiñ̄ne-jarehuc monen̄ bâbâfua, burecñic, Wofun̄te zân̄e muhuc burecko mumupan̄ ee, erâ wiac gâcne moc dân̄ fari bian̄ râsi ecneekac, wiac in̄ucne een̄gopien̄ jan̄ere hâcne sâcmutâc dân̄ mukicne. ¹¹ Anutu juju an̄ac rune ere Bin̄ebian̄ eri tatamacneheç tahacnukicne izi hâcne in̄uc mufuakac.

Jesuzi Paulo kin̄ticne behehuc miti gie muc-newec

¹² Tâpiri narehuc basanan̄nuwec Wofun̄-nân̄eç Kristo Jesu e dan̄ge âzâcneekopac. Eki man̄anareme sâckeme beton̄nuhuc miti gie munarewec hâcne. ¹³ Juwicnao e musorin̄kehuc ñicfâcne râsi ejarerâ jopa qâzâic ejarehape sifu in̄uc enarewec. No Wofun̄te fun̄ne kâuc bahuc mamanasin̄-nane tâmiricte in̄uc epore akicnuwec. ¹⁴ Eme Wofun̄-nân̄ecte aki anonoczi norao gaja fuseme Kristo Jesuraonec mamanasin̄ â man̄jaun̄heç epo. ¹⁵ Jesu Kristo e sâqocne bapa bâpian̄-nâpoocte mârên̄ko wahawec, dân̄ i fârine jâm̄bân̄ â mâmâc sâko ro man̄ eenere sâc. Sâqocne bapa jan̄ere micne no hâcne. ¹⁶ Eme Jesu Kristo e akicnurâ, uruc jaun̄-ticne ñemâcne fokac, irec fun̄ne norao furu jaha batan̄in̄kewec i mâc mâcne, ñic zâheç mâsi i hâcne norao honerâ e manasin̄kerâ juju sanan̄ko fisiniñ̄te in̄uc enarewec. ¹⁷ Juju sanan̄te Wofun̄

Sâko, mi hâhâmone â mi hohonene, Anutu sâko mocjaha hâcne, ere zâŋe biŋe â eri tatamac forazihuc juzejec sanaŋ. Jâmbomac.

Mitire momori gie bazo

¹⁸ Motec-nane Timoteo, qanaŋ gore findaŋdân fuawec irec sâcko dân mutâcne-garekicne i hâcne râe-garekopac. Go i bajuhuc momori gie biaŋ sanaŋkerâ bazemec. ¹⁹ Erâ manasiŋge fozakierâ fohame maŋge soŋaŋketec qaqaqnea fozejec. Nîc tucnezi maŋqaqac juju râpeckembiŋte mamasasiŋ-jenîc ŋeŋgoroŋkeme qâsoriembiŋ. ²⁰ Jaŋeraonec moc Himenaio â moc Alesande, eme jahe Satanaŋzi bâzâic-jofakume mumusoriŋ-jekic behenicte erao râec-jofapo.

2

Nunumure dân

¹ No bâbâni dân moc gaza qâmoc epe: Nunumu wâwâsic â danŋe mumuteŋ izi ŋaŋacne â nîc gâcne sasawa dopec-jopahuc ² nîcwofuŋ â kia gawaman mâmâc dopec-jopanŋepieŋ. Eme soŋaŋ-nâpohapie wamao mâteŋne â mitine juhâmopene nîczi mana-nârepie fezejec. ³ Izi biaŋkeocmu, â bâbâpiaŋ-nâŋec Anutu e irec maname sâckeocmu. ⁴ Eki nîc mâmâc sasawa biaŋkerâ dân fâri qizecne mana maŋ eniŋte muekac hâcne. ⁵ Anutu mocjaha hâcne junârekac, erâ Anutu â nîc ŋondeŋ-nâŋecko

1:17: Rom 16:27 **1:18:** Tim I 6:12; Jud 1:3 **1:19:** Tim I 3:9; 6:10 **1:20:** Tim II 2:17; Kor I 5:5 **2:1:** Fil 4:6 **2:3:** Tim I 1:1; 4:10 **2:4:** Ezek 18:23; Pet II 3:9

ņicwirec-nâņec mocjaha Jesu Kristo e ñic ekicnezi junâre-fârekac. ⁶ Eki hâcne juju-ticne qikiņnehuc mâmâc sâko kiwiric-nâņec rowec, irec biņezi damen-ticnao haņ baocte. ⁷ No irec biņe mumu â aposolo jupemurâ râecnukicne, erâ ñic qâpuc dâņ fâri qizecne â mamasasiņte fuņne jaza mutâc epemurâ qaqazu gie munarekicne. Dâņ i burec mâcne, jâmbomac mukopac.

Ñic â ñokac jaņere dâņ

⁸ Ñic jaņere mukopac, jaņe hae sâc aaric â manjahec tâmiric juhuc mejenic qaqačne foha Anuturao sicnerâ numunzerpien. ⁹ Â ñokac jaņere mukopac, jaņe ñaqi aickerâ rojuhuc rume rume jupie izi eri-jenic ezejec, â qizec susuc-jenicko mâsi qâreņ ee, me eri wiac furi sâko goqonaņ, me ñaqi hohonebâcne ro juju ine mi enzepien. ¹⁰ Ñokac mitio juzo muņgopienzi eehâmo gie bapie sâckeocmu. ¹¹ Ñokac jaņe wahamicne juhuc nininķerâ hazec râehuc mamaņa gie banzepien. ¹² Ñokaczi qaqazu gie baocte me ñic qâhuc-jopaocte mi manacnekopac, e mâc rumerâ juzejec. ¹³ Adam e bâbâni bâfuakicne â Ewa ine zâhec. ¹⁴ Adam e eesaic rune mi manacnewec, ñokaczi ine manacnerâ qaqatara bâfuawec. ¹⁵ Ñokaczi motec roro-ticnere bianķeocmu, ine mamasasiņhec â manjaunhec

2:5: Rom 3:29, 30; Heb 12:24 **2:6:** Gal 1:4; 2:20; Tit 2:14
2:7: Tim II 1:11; Gal 2:7, 8 **2:9:** Pet I 3:3-5 **2:10:** Tim I 5:10 **2:11:** Efe 5:22 **2:12:** Kor I 14:34; Fuf 3:16 **2:13:** Fuf 1:27; 2:7, 22; Kor I 11:8, 9 **2:14:** Fuf 3:6; Kor II 11:3

erâ maŋqaqac juniŋmu ŋokac i jaŋe iŋuc hâcne eniŋmu.

3

Mitire micne bapa irec dân

¹ Moc e mitire micne bapa juocte muocmu, e gie furi sâkore ecnekac muzo, dân i jâmbomac. ² Eme mitire micne bapazi bahacmâc juhuc ŋokac mocjahahec juzejec, erâ maŋsowa juzejec, eesifuc tâmiric metâne juzejec, jaunhec juzejec, qaqazu gie basarickehuc bapane, ³ waiŋ opâ âmbân mi nâzejec, zikafac aricne, urucne â wamane juzejec, monen mafare mubâre mi ezejec, ⁴ e jahacne wiacfâc sâcne soŋaŋ-jopazejec erâ pectâc juhuc naru motecfâcne mu bâtiŋ ejareme micrerenhec junzepien. ⁵ Moc e wiacfâc-ticne sâcne mi soŋaŋ-jopaocmu, e wemocko Anuture kikefuŋ mamac ejareocmu. ⁶ Erâ opâ ruac qâricne moczi mitire micne bapa mi juzejec, iŋucnezi penaron eme Satanzi doc bazacte. ⁷ Ŋic ŋokac kikefuŋko mi razimbiŋ jaŋe wâc manacnemie sâckeekac ŋic iŋucnezi mitire micne juzejec, jaŋe musoriŋkepie Satanzi maŋne bâsifuckeme ere bitiŋko kizacte.

Babafic jaŋere dân

⁸ Babafic jaŋe iŋuc jaha ŋic metâne junzepien, namen sosohoc mi junzepien, waiŋ opâ nâ âmbân mi enzepien, monen mafare mubâre mi enzepien. ⁹ Miti boreŋ soŋsoŋ fowarehuc juwec i maŋqaqacko duckepie fozejec. ¹⁰ Jaŋe wâc qanaŋ

ba esâic ejarezo; eme funne-jenjc hone manac epie sâckeme gie jarezo. ¹¹ Nonânfâc-jenjc jaŋe inuc jaha metâne junzepien, gupe micko âkec mi enzepien, maŋsowa juhuc wiac sasawa mu bac epie fâri fideten efârezejec. ¹² Bâbafic mo e ŋokac mocjahahec juzejec. Naru motecfâc-ticne â wiacfâc-ticne sâcne soŋaŋ-jopazejec. ¹³ Eme babafic moc e gie-ticne bame biankeme maŋte juju zae bianne bâfuaocmu â Kristo Jesurao qohotahuc giere afecke-hâmoocmu.

Mitire gumi â hobeteŋne

¹⁴ No gorao biac fâpemurâ manasuhuc sifu kecziŋucte dâŋ zi qâreŋke-garekopac: ¹⁵ Wiac moczi niŋgiŋnume jupe zorame Anuturre ficko ju bac ezore funne kâuc bazic. Anutu jujuŋe ere kikefunfâc jaŋe hâcne ficticne, erâ wâc dâŋ fâri qizecnere gumi â hobeteŋne juŋgopien. ¹⁶ Miti-nâŋecte funne qame hukicne mutaniŋkeŋgopenen i qeŋ bipinehec:

E sahacko fua tâcnekicne,
Mârozi funne bataniŋkekiecne,
aŋelozi honekiecne,
qâpucko biŋene mukicne,
mâreŋ sâc mana maŋ ekicne,
eri tatamacko bafekicne.

4

Sataŋzi ŋic maŋ bâsifuc ejareme miti âke sipuniŋmu

¹ Mâro e qanan zîruc mujanjenkerâ muekac: Juku zâhec ñic tucnezi miti beherâ man bâsifuc bâbâfua janere eeatuc dânko â demon janere burecdânko qohotaniñmu. ² Ine burecñiczi manjenic zukiwic bakicnere ñic eatuc-jopahuc zîruc jazaengopien: ³ “Ñokac mi rohuc ñiczenon juzo â nânâ gâcne mi nâhuc irec sowa juzo.” Nânâ i Anutuzi râe-fârewec, erâ mamasanñhec juhuc dânfâri mana man embenzi danje âzâcnehuc nanañte muwec. ⁴ Anuturaonec wiac fuakicne i bianje sasawa. Erâ danje âzâcnehuc nâ bac eengopenenjo qaqtarene mi fokac. ⁵ I Anuture dânzi â nunumuzi jambunkeicne hâcne.

Manzi aafec gie bazo

⁶ Go opâ ruac dân i jaza qâmoc ecmu, ine Jesu Kristore kinanñic dân rerenñhec jucmu, ehuc mamasanñte dân â mitire dânfunje fârine mana reren ewaremen izi mangere nâqin eha jucmu. ⁷ Â qenokac qizec dân wose murarane ine qikinnezemec. Go Wofun manasinkehuc jucmurâ manzi aafec bazemec. ⁸ Sahacte aafec gie bapa izi fâfârine, â man baafeckehuc Wofun manarin qârin eecne ine fârine. Izi zira mârenko â juku sambânko juju bâfua-nâreocte mukicne. ⁹ Dân i fârine jâmbân â mâmâc sâko ro man eenere sâc. ¹⁰ Irec fârine hâcne ronante gie amec fâfâuc baengopenen, ine mumusorinzi fainâñecko feipieha Anutu jujune ere mamanacko

4:1: Tim II 3:1; Pet II 3:3; Jud 1:18; Joh I 2:18 **4:3:** Fuf 9:3; Kor I 10:30, 31 **4:4:** Fuf 1:31; Apo 10:15 **4:7:** Tim I 1:4; 6:20; Tim II 2:16, 23; Tit 1:14; 3:9 **4:8:** Tim I 6:6 **4:9:** Tim I 1:15

juhuc eengopenen. E hâcne mârenj sâc njic janjere bâbâpianj juekaczi mamanasinheç nânjâcne ejâmbânkeekac.

Timoteo juju bapa-ticnere dân

¹¹ Dân mukopac sasawa i jaza mutâc ezemec. ¹² Go motec qâri jukic irec njic janë gore manapie wawahane mi ezejec. Go manjaunheç â mamanasinheç â manqaqachec juteç miti mumugezi â juju bapagezi opâ ruac guru hata jowatuzejec. ¹³ Wonec-nane juhuc miti wose qazuc â jaza qâmoc ehuc juzemec. ¹⁴ Micne bapa janë Mâroraonec dân mufuahuc mejenic qizecgao râehuc jambunğumbin, jambun irec fârine sifucke-garezacte bâin basawec ezemec. ¹⁵ Go irec mana mezac ehuc giege bazihuc bateç fârine luarâ fua ehuc fome hone-fârenzepien. ¹⁶ Gahacne man sahac sonankehuc mitire dânfunne furu mimic fonareocte mâmâc sonankezemec. Go i hâcne pañzâic bajuzemec. Injuc ecmuo ine dânge manaengopien janë mecne â go gahacne mâmâc juju bianko fisininmu.

5

Mu tutuc â mu bâtin irec dân

¹ Njicqizec moc dân âzâcnemurâ fâfâcneheç mi ecnezemec, mamac-nane muhuc urucko mu tutuc ecnezemec, njicmotec hahac qafâc-nane muhuc sâcjenjicko jaza bâtin ejarezemec. ² Nokac qizec nenğocfâc-nane muhuc injuc jaha uruc

jaunđân jazazemec, ȳokac saĥac qâri senfâc-nane muhuc rucge bahuc dâŋ wiac jazazemec.

Hozec bâmec bajarezo

³ Hozec sâsec-jopahuc dâŋjenjic dopeckezemec, hozec jâmbân jaŋere mukopac. ⁴ Hozec moc naru motec me ȳosafâcne juniŋmu, ine jaŋe qanaŋ jaŋacne ficko miti gie bahuc ȳic ȳokac qizefâc-jenjic jaun-jopanzepien, ehuc juwicnao wiac ejarekicne irec tofa bazunzepien. Anutu e irec maname sâckeocmu. ⁵ Hozec fârine ine e jahackoaŋ juhuc Anuturao roweckeekac, ehuc ȳafe furec nunumu wâwâsic ecneekac. ⁶ Â hozec moc sasec gie baocmu ere ine qâricnezi hâmocne mucnezo. ⁷ Dâŋ i wâc jaza sanaŋketec manarâ bahacmâc junzepien. ⁸ Moc e wiacfâcne â socto-fafâcne hone jaun â kime dopec mi ejareocmu e miti beherâ qâpuc sanaŋ ewec mucnezo.

Hozec fuŋne-jenjic manazo

⁹ Hozec moc jara-ticne 60 bazuwec, erâ ȳic mocjahahec juwec, iȳucne sawa zâŋe-ticne bâmec papiao râezo. ¹⁰ Erâ eehâmo gie bawec me mâcne, irec fuŋne taniŋkeocte kecziȳuc mu wioc ezo: Naru motec rocjoparâ gume jowac ejarewec me mâcne? Erao ȳic furune fisipie hezu hewânenj ejarewec me mâcne? Mitinjic bâmec bajarewec me aricne? Jaun gie fuŋne fuŋne bawec me mâcne? Fuŋne-jenjic iȳuc hâcne manazo. ¹¹ Hozec saĥac qâri jaŋe zâŋe-jenjic bâmec papiao feocte mupie ine qatara-jarezemec. Iȳucne jaŋe sasecte ejareme Kristo qâoma ecnerâ ȳicte saĥac bapa

eenḡopien. ¹² Erâ mârâc dân mupaṅkembin i qâsuapie bahacnehec eekac.

¹³ Erâ wâc gie tâmiricte ficbiri juhuc oma qâoma erâ juenḡopien, erâ i sawa mâcne, dân jawane â simbinne kosa wosepie feekac. ¹⁴ Irec no zinuc mukopac: Hozec sahac qâri jaṅe ṅic mocwâc rorâ naru motec rocjoparâ dete mamac â ro rikec qâ rikec enzepien. Inuc ehuc jupie kisâ jaṅe sâqocnere ojowa baninmurâ dân basarâ behenzepien. ¹⁵ Hozec gâcne jaṅe ine biac hata qâsoriembin Satan bâjâpeenḡopien. ¹⁶ Hozec moc e miti ṅokac mocte ficko juhuc gie bafickeme ine eki bâmec bacnezejec, â qâqâhâc-jeṅickonec mi rozejec, qâqâhâc-jeṅic i hozec waha qaḡane jaṅere ezejec.

Soṅaṅ jaṅere dân

¹⁷ Soṅaṅzi gie-jeṅic bapie biankeme wiac bafehuc ehâmo-jarezo, ine miti mumu â qaḡazu gie paṅzâic baenḡopien jaṅe hâcne inuc ejarezo. ¹⁸ Miti papiao dânqâren zinuc hâcne fokac: “Bulimakaozi gi bagarehuc sopâc kecqaṅ nâzo mume mi sakarecnezemec.” Erâ moc zinuc: “Gie bapa ṅic e furi fuacneme sâckeocmu.” ¹⁹ ṅic mocjahazi soṅaṅ moc dânko râezo mume mi manacnezemec, ṅic 2 me 3 jaṅe mupie ine manarâ giene bazemec. ²⁰ Moczi bahac bâfuame âgo guru jaṅere maio mu bâtiṅ ecnetec gâcne jaṅe manahuc hâwic-jopazejec wâc. ²¹ No Anutu â Jesu Kristo ere maio â aṅelo bufunfâc-ticne

5:13: Tes II 3:11 **5:14:** Kor I 7:9 **5:17:** Rom 12:8; Fil 2:29

5:18: Sâc 25:4; 24:15; Kor I 9:9; Luk 10:7 **5:19:** Sâc 19:15; Mat 18:16; Kor II 13:1 **5:20:** Gal 2:14

jaŋere maio kecziŋuc mupaŋke-garekopac: Dâŋ gaza qâmoc ekopac i aimuŋ soŋaŋkehaŋ moc mi wahazejec, ehuc maŋgere ɲic ɲokac wiac sâctiri moc mi ejarezemec. ²² Go ɲic miti giere fâro ehuc biac mi jambuŋ-jopazemec, jaŋere kiŋzi gore faio fezacte. Gahacne maŋ sahac soŋaŋketec qaqaqacnea fozejec.

Hucte dâŋ â sâqocne fufuare dâŋ

²³ Go bukiki â huc zâic gâbâ egareekacte opâ sawa mi nâzemec, waiŋ opâ afecne mac nâzemec wâc. ²⁴ ɲic tucne jaŋere sâqocne i fuŋne babataniŋ damen mi maickeha qanaŋ fua taniŋkeekac, tucne jaŋere soŋsoŋ foku zâhec fuaocmu. ²⁵ Eme eehâmo gie i iŋuc jaha fua taniŋkeekac, â iŋuc mi eekacko soŋsoŋ foku zâhec fua taniŋkeocmu.

6

Kiŋaŋ qaqa jaŋere dâŋ

¹ Kiŋaŋ qaqa juŋgopien jaŋe sasawa bombonfâc-jeŋic sâsec-jopahuc rume-jarenzepien, Anuture zâŋe biŋe babawaha â miti susure fuazacte iŋuc enzepien. ² Erâ bombonfâc-jeŋic gâcne opâ ruac jaŋe ine ziŋuc mi muhuc bawahac-jopanzepien: “Mitio sâcnâhec mocjaha engopenen.” Aricne, “bombonfâc-nâhec jaŋe Wofuŋ manasiŋkepie âgo jaun ejareekacte ehâmo-nâreenGOPien”, iŋuc muhuc kiŋaŋ maŋafec jaha qajarepie sâckeocmu. Go dâŋ i jaza mutâc ehuc faŋ qajarezemec.

Moneŋ mafare andac mi ezo

³ Moc e dân i âke sipurâ moc muhuc Wofuŋ-nâŋec Jesu Kristo ere dânbian qikiŋnehuc miti hatare sâcmutâc râpeckeekac ere ziŋuc muzo: ⁴ E maŋgâc erâ sahaç-ticne bafehuc dân giŋkeme giŋ bažiuhuc muraocmu, izi sasac-ticne eocmu hâcne. Eme irec iŋguuŋ, hehefaric, mumusoriŋ, qoqoric, ⁵ erâ wâc mu qaqatarac hati fuaekac. Nîc iŋucne jaŋe maŋjenîc sifuckerâ mamana-jenîc zikeme, moneŋ mafa fua-nârezejec muhuc miti bajuniŋte muenŋgopien. ⁶ Miti babajuzi jâmbomac sahacte dope bâbâfua-nârene, mocjaha mukâron tâmiric bajunzepenen. ⁷ Ziŋuc manasunzepenen: Fuananŋte mârenko metariŋ waremben, juku hâmonanŋte iŋuc jaha metariŋ jaha ranaŋmu. ⁸ Eme irec hâcne nânâ wiac â ŋaqi qoruc fonâreme manapene sâckeha junzepenen. ⁹ Moneŋ mafa sâko qâhâckezo munîmu, jaŋe eesâicte wiwi-ticko fenîmu, erâ wiac omane fuŋne fuŋnere sasac bâfuarâ mana utuckehuc sipirickenîmu. ¹⁰ Moneŋ mafare andaczi sâqocne gâcnere jâcne hâcne. Nîc tucnezî irec harac ehuc miti hata qâsorierâ bužâic sâko bâfuambîŋ.

Juju sananŋte hezakiezo

¹¹ Anuture ŋic go wiac iŋucne geŋkezemec. Ehuc tiŋke bian erâ mitihec â mamasasiŋhec â maŋjaunhec â sasanaŋhec â buuruchec ecmurâ irec fotac qatariezemec. ¹² Erâ mamasasiŋte

6:3: Gal 1:6–9; Tim II 1:13 **6:5:** Tim II 3:8; 4:4; Tit 1:14 **6:6:** Tim I 4:8; Heb 13:5; Fil 4:11, 12 **6:7:** Mi Mu 5:15; Hio 1:21 **6:8:** Muq 30:8 **6:9:** Muq 23:4; 28:22 **6:10:** Efe 5:5 **6:11:** Tim II 2:22

juju gie bian bazemec. Baku juju sanante hezakiezemec. Go irec hâcne hefârecgukicne, erâ go gahac injuc ecmurâ ñic tutumañko mu-panketec manambin. ¹³ Anutu wiac sasawa juju bâfua-jareekac ere maio â Jesu Kristo kia Pilatorao mumupan fârine muwec ere maio mu-sananke-garekopac: ¹⁴ Go sâcmutâc dân mu-garekicne i bâbâsifuc tâmiric â bâbâbiene tâmiric renkehuc juhante Wofuñ-nâñec Jesu Kristo fisize-jec. ¹⁵ Irec damen maickeme juju añaç â tâpiri buc focneekac Anutu hâcne, eki motâc rome fua taninkeocmu. E ñicwofuñ jañere Wofuñ Sâko â fekicne jañere Fekicne. ¹⁶ E bucticne hâhâmo tâmiriczi, tatamac moczi moc mi rarazine irec mañnao juekac. E ñic moczi moc mi honekicne erâ mi honezo. Mumumbian â tâpiri focneweczi focnehuc juocmu sanan. Jâmbomac.

Hobeteñne fofo sanan bâfuazo

¹⁷ Ñic mâreñte moneñ mafa qâfoñne fojarekac jañe jazatec sahaç-jeñic mi bafehuc wiac sisirowenere manapie izi hobeteñne-jeñic eme ira mi âtesinñenzepien. Anutu e mâriri bâfua-nâreme nâ bac ehuc juenñgopenen erao âtesinñenzepien. ¹⁸ Erâ mujaretac buafec â bokifac erâ eehâmo gie bahuc mitire fârine bocjaha bâfuanñenzepien. ¹⁹ Ehuc hobeteñne-jeñic moc fofo sanan i bâfuârâ juju fârine rauckenñenzepien.

6:12: Kor I 9:25, 26; Tim II 4:7

6:13: Joh 18:36, 37; 19:11

6:15: Tim I 1:11; Bar 17:14; Sâc 10:17

6:16: Wah 33:20

6:17:

Mi Mâ 62:10; Luk 12:20; Rom 12:16

6:19: Mat 6:20

Timoteore unṣawaṇ dāṇ

²⁰ O Timoteo, go merâfâc garekicne i soṇaṇkehuc bajuzemec. Erâ dāṇ jawane â fârimâc, ṇic gâcnezi bajuhuc zâṇene “dāṇ game hukicne” muenṇopien, i qikiṇnezemec. ²¹ Ṇic tucnezi dāṇ ira hâcne qohotahuc mamanasinṭe hata qâsoriembiṇ. Aki anonoczi ṇoṇerao fosejec.

Kâte Bible
The Holy Bible in the Kâte language of Papua New
Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-11-22

PDF generated using Haiola and XeLaTeX on 11 Nov 2022 from source files dated 30 Nov 2021

76869875-8293-5126-8b67-c576c145ac3c